

Gvangjsih Minzczu Bau

Cawjguen: Gvangjsih Bouxcuengh Swcigh Minzczu Cunghgyau Swvu Veijyenzei

Cawjbanh: Gvangjsih Minzczu Bause

Geiz neix 8 banj

Aenhauh okbanj: CN45-0036

B.2024

Nd.6 Ng.19

Liggaeuq gvapsaenz nienz ndwenngux cibsei Geizsoq: Gungh daih 3627 geiz

《Giuzsi》Cazci Fatbiuj 《Haicauh Aen Gizmen Moq Hwnghat Ndei Saed Guek Raeuz》Bien Faenzcieng Youqgaenj Siz Ginbingz Cungjsuhgi

Sinhvazse Baeking 6 nyied 15 hauh dien Geiz daihcibngeih 《Giuzsi》Cazci 6 nyied 16 hauh okbanj haenx fatbiuj 《Haicauh Aen Gizmen Moq Hwnghat Ndei Saed Guek Raeuz》bien faenzcieng youqgaenj Cunghgung Cunghyangh cungjsuhgi, Guekgya cujsiz, Cunghyangh Ginhveij cujsiz Siz Ginbingz. Neix dwg gij cietmoeg lwnghangj youqgaenj Siz Ginbingz cungjsuhgi mboengq 2017 nienz 10 nyied daengz 2024 nienz 3 nyied.

Faenzcieng naeuz, seizdaih moq guek raeuz ginghci hwnghat dwzcwngh, couhwdg gou youq ndaw Cibgouj Daih baugau daegbied gangj daengz, guek raeuz ginghci gaenq daj duenh demmaj riengjvaih cijencoh duenh hwnghat ndei saed. Hwnghat ndei saed dwg aen cawjdaez “cibsei haj” caiqlij duenhseiz engq raez guek raeuz

ginghci sevei hwnghat, dwg aen yinvu daihdaeuz cienzmienh hwnghat guekgya yendaiva sevei cuji. Mboujmiz giekdaj dinfwngz doxgaiq maenh-dwddwd, couh mbouj ndaej cienzmienh hwnghat aen guek ak yendaiva sevei cuji. Gwnz roen moq hwnghat aen guek ak, minzczu fukhwngh, raeuz aen dingmaenh mbouj bienq doidoengh hwnghat ndei saed.

Faenzcieng naeuz, hwnghat ndei saed, couhwdg gij hwnghat ndaej hawj ndwenngoengz gyaundeih lwgminz ngoengz ndei gvaq ngoengz de habhoz, dwg gij hwnghat yienh' ok leixniemh hwnghat moq, dwg gij hwnghat cauhamoq bienqbaenz doenghlig daihit, hezdiuz bienqbaenz daegdiemj baihdaw, saekheu bienqbaenz yienh bujben, hailangh bienqbaenz diuzroen aen gvaq, caeyungh bienqbaenz gaenbonj muzdiz. Naeuz engq cingcu,

hwnghat ndei saed, couhwdg daj “miz mbouj miz” cienjcoh “ndei mbouj ndei”.

Faenzcieng naeuz, gyavaiq saed-yienh gohgi suiyingz sang gaglaeb gaggiengz, dwg diuzroen aen gvaq doidoengh hwnghat ndei saed. Gyavaiq cauhaeb aen gwzgi hwnghat moq, dwg gizgoek canloz doidoengh hwnghat ndei saed. Hwnghat yienh swngcanjlig ak moq dwg gij iugouz baihdaw caeuq giz okrengz youqgaenj doidoengh hwnghat ndei saed. Dingmaenh hwnghat ndei saed bienqbaenz gij neiyungz youqgaenj lingj-dauj ganbu cwngeizgvah, gak dieg aen giethab cingzgvah saedsaeh, ciuq dieg bae guh, aen gij ndei bouj gij yaez, byaijok diuzroen hwnghat ndei saed hab bonjdieg saedsaeh.

Faenzcieng daegbied gangj daengz, raeuz aen geiqmaenh hwnghat

ndei saed dwg aen dauhleix genq seizdaih moq, caezcingj, cinjdeng, cienzmienh gvancez aen leixniemh hwnghat moq, ciuq dieg bae guh gyavaiq hwnghat yienh swngcanjlig ak moq, dawz gyavaiq hwnghat aen ginghci dihi yendaiva, doicaenh gohgi suiyingz sang gaglaeb gaggiengz, gyavaiq cauhaeb aen gwzgi hwnghat moq, dungjcouz doicaenh gaijgwz lai laeg caeuq haicuegq suiyingz sang, dungjcouz hwnghat ndei saed caeuq ancienz suiyingz sang daengj canloz yinvu doek daengz dieg, laebcaez doidoengh aen gaujhaed bingzgya dihi hwnghat ndei saed, vih doidoengh hwnghat ndei saed guh maenh giekdaj. Aen maeuzveh banhfap hungnaek caenh' itbouch cienzmienh haeujlaeg gaijgwz, laebdaeb ok rengz hung doidoengh hwnghat ndei saed, doicaenh yienh yendaiva Cungguek.



Bingzgoj Si Gyoengq Bouxhag Ban Son Guh Fwen Bouxcuengh Bi 2024 Bae Cunz Canghfwen

6 nyied 16 hauh, gyoengq bouxhag ban son guh fwen Bouxcuengh bi 2024 bae daengz Fungvuz Cin Bwzfungh Cunh, Bohcau Cin Yenzgyangz Cunh cunz canghfwen, bae cam gyoengq canghfwen guhlawz guh fwen Bouxcuengh cij ndei.

Fungvuz Cin Bwzfungh Cunh Mbanjcozguj Vangz Yungzcinh, Bohcau Cin Yenzgyangz Cunh Mbanjlungzdan Vangz Gyaehswng song boux canghfwen mwh coz couh hainduj soucomz caeuq guh fwen. 50 lai bi doxdaeuj, gyoengqde boux soucomz caeuq guh fwen ndaej geij cib fanh hot, caemhcaiq fwngz cau baenz cek, seizneix gyoengqde boux miz baenz 100 lai cek sawfwen.

Mwh hozdung, gyoengq bouxhag caensim cam hag, roengzsim doenggyaq baez cunz byaij neix, roengzrengz cau fwen guh fwen, cienzyiengz ndei vwnzva minzczu. Ndaw doz dwg bouxhag coh canghfwen hag guh fwen.

(Dwngz Dwngz)

《Cungguek Vahgangj Vwnzva Diemjczangz》Sam Gienj Youq Bwzswz Fatbough

Mboengqneix, aen hoih fatbough 《Cungguek Vahgangj Vwnzva Diemjczangz • Lozyez》《Cungguek Vahgangj Vwnzva Diemjczangz • Vahcuengh Sihlinz》《Cungguek Vahgangj Vwnzva Diemjczangz • Vahgwzlaui Lungzlinz》youq Bwzswz Yozyen banh.

《Cungguek Vahgangj Vwnzva Diemjczangz》dwg gij cwnzgoj “Cungguek vahgangj swhyenz bauj-hoh gunghcwngh” vahgangj vwnzva

gunghcwngh hungnaek Gyauyuzbu, Guekgya Yijveij, ndaej guekgya bued cienz okbanj, gonqlaeng liedhaeuj “cibsam haj” “cibsei haj” guekgya cungdenj sawdoz okbanj gviveh hanghmoeg. 《Cungguek Vahgangj Vwnzva Diemjczangz》gungh 50 cek, baugvat 37 cek gienj vahdeihfueng Vahgun, 13 cek gienj vah minzczu. Lozyez, Vahcuengh Sihlinz, Vahgwzlaui Lungzlinz sam gienj, cienz-

mienh hidungj langhbaej le mbawveh vahgangj vwnzva lix miz minzczu daegsaek noengznwdnwd Bwzswz, dwg haeujlaeg diucaz geiqloeg caeuq baujlouz baujhoh vahgangj vwnzva Lozyez, Sihlinz, Lungzlinz sam dieg.

Bwzswz Yozyen gyoengq boux guhhong vahgangj baengh gij caizbauj vahgangj Bwzswz, guh baenzroix diucaz, youq “Vahcuengh” “Vah-

cuengh caeuq vahgangj doxciep” “Vahcuengh caeuq yijfazva” “Vahcuengh caeuq Vahgun” daengj gizdieg yenzgiu vahgangj guh ok cingzcik lailang, bauq ndaej baenzroix guekgya segoh gihginh, swngjbugiz hanghmoeg, fatbiuj buer yozsuz lunvwnz caeuq saw cienmonz ndeu, coenghrenez yenzgiu, baujhoh, cienzswnj caeuq yungh vahgangj guek raeuz.

(Hih Cinhaij Dwng Minzswng)